

明史攷證擴逸

一百

〔史四十二本納百〕

清乾隆殿本明史

附王頌蔚編集考證擴逸

一 百 冊

中華民國二十五年十二月初版

發行者 商務印書館

印刷者 商務印書館

發行所 商務印書館

上海及各埠

上海河南路

明史攷證攢逸卷三十八

長洲王頌蔚編集

列傳第二百 四川土司二

播州傳改播州宣慰司隸貴州○按播州於十五年改隸貴州二十七年四月仍改屬四川見地理志

黃龍韋保等殺掠人民○按景泰二年貴州賊首韋同烈僞稱苗王糾眾數萬屯聚興隆之截洞攻平越清平湖廣總督王來率總兵梁瑤等進剿縛同烈械送京師五年四川苗賊黃龍韋保僞稱平天大王聚眾攻劫播州等處貴州提督蔣新率官軍進剿縛韋保等送京師見明實錄

蓋應龍本雄猜阻兵嗜殺○按應龍所居僭飾龍鳳用
繡女闈人嬖妾田氏雌鳳疑嫡妻張氏姦淫出之已
而飲田氏兄所乘醉封刀取張氏及其母首屠其家
初惑七姓言虐所屬黃平五司旣而覺七姓欺已遂
結關外生苗戕七姓見蠻司合志

時四川新撫譚希忠

刪四

執原奏何恩詣綦江縣

執改爲恩下增所執二字

○按蠻司合志言

應龍遣行間者懷金入京爲原奏何恩所報解綦江
縣此言執原奏何恩詣綦江縣彼此迴異考何恩係
告應龍謀反之人是時應龍方上書自白斷無敢執
何恩之理且綦江係內地執詣內地尤屬無謂應以

蠻司合志爲正

永寧傳七年

七改八年
下增正月

八年以祿照爲宣撫使

刪八年

○按一統志及地理志陞

永寧安撫司爲宣撫司係八年正月事此作七年誤

國子學錄黃明善奏四川山都掌蠻屢歲出沒○按明

善奏有平蠻三策一竄之鄰境以離其黨欲將都掌

蠻民分隸烏撒等四府安置撫卹有不從者許土官

勦之則兵不血刃而境土自安矣二分屬漢蠻以別

其類都掌地與永寧芒部相錯接永寧者割隸永寧

接芒部者割隸芒部而該縣止管漢民則漢蠻各有

統屬矣三據險固守以待其斃都掌北距敘州馬湖

無北走之路今宜選將領兵由納溪斷其後門半年
之後皆爲餓殍矣見明實錄

効忠死妻世統無子○按効忠死崇周當襲職顧稚弱
而總兵劉顯見世續而喜遂以世續名請冠帶視宣
撫事効忠弟沙卜通於其嫂世統欲世統襲兄職而
朝命屬世續大怒遂屬夷目攻世續於落紅世續遁
居永寧見蠻司合志

十四年奢崇周代職未幾死

未幾改二十三年

○按蠻司合志

言二十三年征楊應龍崇周應調已行沙卜伏甲道
左將殺崇周崇周力戰斬二十八級追沙卜至河殺
之沙卜之子白僕亡之貴陽密使白春芳以蠱飲崇

周崇周死是崇周於十四年襲職至二十三年征楊應龍時已十年不可謂未幾

樊龍等以增行糧爲名乘機反○按時以邊事急徵四方兵崇明上疏請提兵三萬赴援遣其將樊龍等以兵至重慶巡撫徐可求點核汰其老弱索餉餉復弗繼龍等遂鼓衆反舞槊刺殺可求遂一擁而上道臣孫好古駱日升李繼周知府章文炳同知王世科熊嗣先推官王三宅知縣段高選總兵黃守魁王守忠參將萬金王登爵皆死之原任鞏昌同知董盡倫聞變率衆入城殺賊遇伏死見明史紀事本末

分兵攻合江納溪

納溪改

○按瀘州有納溪縣因州西有

明史三十一
納溪故名見地理志及一統志此作沔溪誤

酉陽傳元屬紹慶府

紹慶改懷德

○按酉陽州元史及明史

地理志皆屬懷德府此屬紹慶誤

列傳第二百一 雲南土司一

雲南傳攻石屏不下○按楊畏知傳稱是時賊攻石屏
寧州嶠峨皆陷之此作攻石屏不下互異

景東傳因奏景東百夷要衝宜置衛以錦衣衛僉事胡
常守之○按是時立景東衛命陶往鎮而別以流官
掌印莅府事陶至鎮勤慎守法因仍復知府頒賜金
帶且鐫誠心報國四字褒之見明實錄與此小異

宣德五年置孟緬長官司○按宣德五年六月置孟緬

長官司屬景東府後直隸布政司萬厯二十五年改屬順寧府之雲州見明實錄

大侯土知州刀奉漢

侯改侯漢改罕

廣南傳立廣南西道宣撫司

道改路

○按廣南西路此譌

路爲道據元史地理志改

洪武十七年歸附改廣南府

七改五

○按廣南府置於洪

武十五年十一月見明實錄地理志同此作十七年

誤

廣西傳後爲東爇烏蠻等部所居

爇改爇

○按元史地理

志作東爇此作東爇誤

洪武十四年歸附

改洪武十五年爲府

○按明實錄廣西之改路

爲府以土官普德署府事其事在十五年三月地理志同此僅稱十四年歸附而未詳改路爲府下句署府事無根

浪渠

改漢渠

○按一統志地理志皆作浪渠

嘉靖元年設雲南彌勒州十八寨守禦千戶所○按一統志彌勒州西有十八寨山嘉靖元年二月置守禦千戶所於此

鎮沅傳其後金齒焚蠻據之

焚改白

建文四年置鎮沅州○按地理志稱鎮沅州爲洪武三十五年十二月所置則其事在成祖時矣

陞爲府○按明實錄鎮沅之陞爲府在永樂四年四月

己卯此概紀於三年之後未晰

順寧傳因請改順寧爲流官○按萬厯二十五年以平
猛廷瑞亂改順寧爲流官知府改大候州爲雲州設
流官知州見明實錄

所謂三緬也

緬改猛

○按地理志作三猛

孟艮傳設孟艮府○按孟艮府初置時隸雲南都司後
隸雲南布政司見一統志

孟定傳設孟定府○按明實錄洪武十五年三月己未
設雲南五十二府孟定已居其一此稱洪武三十五
年設孟定府互異

曲靖傳至元初置磨彌部萬戶

至元初改元憲宗時

○按元史地

理志憲宗六年立磨彌部萬戶至元八年改爲中路
十三年改爲曲靖路此以置磨彌部爲至元初事誤

後改爲曲靖路宣慰司

改至元時改曲
靖路宣慰司

征南將軍下雲南

改傳友德
下雲南

行省平章劉輝等來降

等下刪
來字

十五年改曲靖千戶所爲曲靖軍民指揮使司置曲靖
軍民府○按地理志曲靖於洪武十五年三月爲府
二十七年四月升爲軍民府與此小異

西南有木容菁

蓉菁改
容箐

○按一統志木容箐山名在馬

龍州東南地理志同此作蓉菁誤

曲靖軍民知府晏毅言四事○按正統七年三月復曲

靖衛定南堡堡置於洪武間後廢至是以王驥等言平夷衛平水堡去曲靖遠且田土荒蕪宜復立定南堡撥兵屯守從之見明實錄

妻安素儀署州事

素改

○按下十二行作安素儀與蠻

司合志同

乾隆四十一年賜諡諸臣祿永命周士昌通諡節愍列傳第二百一 雲南土司二

姚安傳元立統矢千戶所○按元史地理志統矢千戶之立在憲宗七年至元十二年罷統矢立姚州隸大理路至天厯初乃陞爲路

武定傳土舍鳳朝文作亂○按是時因安銓之亂巡撫

傳習調朝文兵千餘守廠江朝文遂據廠江還攻武定殺同知袁倬知州秦健等十三人見明史紀事本末

尋甸傳獫刺蠻居之

獫改
焚

巡撫傳習檄守巡官討之○按是時習檄參政黃昭道副使周奎統官軍討之敗績見識大錄

麗江傳宋時麼些蠻蒙醋據之○按蒙醋明一統志作蒙醋醋

三十年改爲麗江軍民府○按永樂九年九月麗江軍民府知府木初遣人貢馬賜鈔幣見明實錄

元江傳後爲麼些徒蠻阿剌諸部所據元時內附○按

阿剌諸部以憲宗四年內附七年復叛至元十三年遙立元江府以羈縻之二十五年命雲南王討平其地乃更置元江路

永昌傳隸大理萬戶所改府○按元史百官志作萬戶府

洪武十五年定雲南立金齒衛○按明實錄永昌洪武十五年三月己未仍爲府屬布政司地理志同

置司甸長官司以土酋阿干爲副長官司甸改施甸干改干○按

明實錄洪武十七年五月己酉置施甸長官司以土酋阿干爲副長官

古湧二關湧改勇○按地理志及一統志皆作勇

其長官司二○按地理志稱永昌所屬長官司三曰施甸曰鳳谿曰茶山茶山爲永樂五年析孟養地置屬金齒軍民司嘉靖元年屬府

威遠傳大理時爲百夷所據大理改段氏百夷改白蠻○按大理之

名雖始於段氏然以地名紀時代未協且一統志稱威遠在段氏爲金齒白蠻所據元史地理志同此作百夷亦誤

給威遠土知州刀蓋金牌命合兵勦麓川叛寇蓋下增罕字合

下刪兵字

鎮康傳十七年改爲州○按鎮康降爲州後尋廢以其地屬灣甸州永樂七年七月復置見明實錄

以中官徐亮使西南蠻○按亮使西南時曩光阻道並劫奪賜物至是遣頭目刀怕愣等來朝乞貸罪復遣給事中周讓行人方濬往戒諭之見明實錄

大侯傳六年長官刀奉偶遣弟不納狂來貢○按永樂九年六月刀奉偶遣弟混三等貢馬及方物賜鈔及文綺襲衣見明實錄

瀾滄衛傳弘治十一年福建布政李韶以前任雲南參議知土俗事宜上疏言四事

一改二議改政

○按明實錄李

韶是疏在弘治十二年九月乙丑此作十一年又韶前任雲南右參政此作參議均誤又按明實錄韶所陳四事一則請設瀾滄兵備副使一則勦撫孟養思

陸策一則言廣西府所屬皆僂人難制其地有水利請設屯田一則謂曲靖衛軍多地僻平夷衛軍少事繁請以曲靖衛屯田附近平夷者調撥二所以屬之

麓川傳元時皆屬緬甸

至

餘皆道卒

改漢時爲永昌郡

大布茫曰暎頭附賽曰暎中彈吉曰暎尾福祿培在茫施東平緬之地曰驃暎曰羅必四莊曰小沙摩弄曰驃暎頭在麓川東北皆處金沙江之南故爲白蠻所據其地又有龍川江爲麓川達木邦之路蠻恃以爲險元中統初始內附至元十三年立爲路並隸于金齒宣撫司洪武

○按一統志及

元史經世大典明史明一統志明史紀事本末諸書麓川平緬在元時立兩路屬金齒宣撫司此作屬緬甸誤且以下接紀緬甸事實業已詳載彼傳尤不應複敘茲據諸書所載麓川平緬疆土建置改正

爲麓川平緬宣慰使司緬下增軍民○按明實錄作麓川平

緬軍民宣慰使司明制軍民宣慰使司與宣慰使司

自別

緬國王使來言國王改酋遣○按緬甸在明時未封王其本

傳稱土酋卜刺浪遣使貢方物訴思倫發侵奪境土

卽其事此稱國王誤

適其部長刀榦孟叛榦改○按本紀沐英緬甸土司傳

皆作刀榦孟

西平侯沐春遣送至京師遣送改挾與京下刪師○按明實錄是

春沐春適入覲乃挾倫發與俱朝沐英傳同此作遣

送至京師誤

命西平侯諭之

侯下增晟

○按是時所謂西平侯者沐晟也

傳僅稱爵未協

廷臣舉右都督方政

右政左

○按明實錄作左都督明史

紀事本末同

任發方修貢冀緩師而晟遽信其降○按思任未叛時

孟養宣慰司刀賓玉嘗遣思任質晟府晟兒子畜之

至是晟遣指揮車琳等諭降思任佯諾晟遂信之見

明史紀事本末

政追至空泥○按政是時與其子瑛部將顧勇等乘勝
深入比至空泥知無援乃遣瑛還而身與顧勇等陷
陣死見識大錄

仍敕晟豫籌糧糴○按正統四年五月以沐昂爲征南將軍充總兵官討賊明年五月昂抵隴把以糧乏引歸參將張榮敗績於芒市下詔切責見明實錄

都督李安劉聚副之

督下增同知安下增僉事

前軍抵於木籠

於改沙

○按明一統志沙木籠山在南甸

南一百里卽王驥破任發處元志所謂小沙摩弄正此山也此作木籠誤

百道環攻復縱火焚其營○按是時都督同知李安駐潞江護餉道旣而賊破安恥己功不與聞賊有屯於高黎貢山者往攻之不利爲賊所躡都指揮趙斌等死傷者千八百餘人明年六月論斬下獄見明實錄

於是復命王驥蔣貴等統大軍再征麓川○按驥等再征麓川之命在正統七年九月見明實錄本紀作八月誤

十一年緬甸始以任發及其妻孥三十二人獻至雲南○按緬甸之獻任發馘緬甸傳作正統十二年本紀作十年十二月明史紀事本末與本紀同此作十一年互異

其部眾復擁任發少子祿據孟養地爲亂祿改思陸養下刪地○按王驥傳稱是時思任發少子思陸復擁眾據孟養孟養本傳亦稱思陸發者思任發之遺孽也此誤陸爲祿復脫思字

乃與思祿約許土目得部勒諸蠻

祿改陸許下增以目下刪得

○按

明史紀事本末蠻司合志諸書稱是時與思陸約許

以土目此落以字文義遂晦

一入杉木籠

杉改沙

至是大軍遣木邦罕禽多掩殺之

掩改俺

○按多俺就戮

之後旋築平麓城於猛卯以興屯田見一統志

列傳第二百三

雲南土司三

緬甸傳至南安

南安改安南

○按南安當作安南見明實錄

遣使至八百國王所

國王改土司

○按地理志洪武二十四

年置八百大甸宣慰使司是八百在爾時特一土官

耳此作國王未協

後卓吉爲思眞婿猛乃頭目別混所殺○按思眞孟養長官也是時爲緬所擄見孟養土司傳

旣覘知有備○按是時朝議用沐朝弼請於蠻哈設兵備緬見蠻司合志

罕拔又爲緬招于崖土舍刀怕文許代其兄職○按怕文兄怕舉妻罕拔妹也拔使據于崖以臣緬許以其嫂妻之並代其兄職怕文怒挾二子詣同知辭衛守備李騰霄訴之與俱戰見明史紀事本末

令土目馬祿喇送等領兵萬餘馬改烏○按明實錄作烏

祿喇送

岳鳳嶺應裏殺罕拔盡俘其衆○按是時罕拔子進忠

守木邦應裏遣弟應龍襲之追進忠於喳哩江進忠挈妻子內奔見明史紀事本末

且窺騰衝永昌大理蒙化景東鎮沅諸郡○按是時應裏西會孟養孟密蠻莫隴川兵於猛卯東會車里八百孟艮木邦兵於孟炎見蠻司合志

緬將猛勾詣緹絳

猛改莽

岳鳳及其子皆伏誅○按是時諸部蠻多視岳鳳爲向背緹等欲借以招諸蠻處之金沙江上游故諸部俱殺緬使來歸而中朝不察日索獻俘十二年冬岳鳳父子伏誅諸部旋復解散陰附於緬而應裏復披猖矣見蠻司合志

緬帥思仁寇蠻莫敗之。○按思仁卽孟密土舍思忠從弟也。歸於緬，緬僞署之於孟密。二十一年，思仁率眾三十萬象百，據蠻莫，思化敗走。二十二年，陳用賓遣參將王一麟等復之。至是復入寇，又大敗之。見識大錄。

千崖傳熨人居之。

熨人改白蠻

○按元史稱鎮西路舊爲白

蠻所居。考白蠻黑熨種類自殊，此作熨人誤。

永樂元年

永上增後廢屬麓川平緬司八字元年改初

頒給信符金字紅牌

改給信符金牌

千崖長官曩歡遣頭目奉表貢馬

改長官曩歡遣頭目貢馬

宣德六年

六改五

潞江傳隸柔遠路

隸改

永樂元年內附

改洪武十五年爲
府後廢永樂元年

宜設長官司治之

改故設
司治之

頒給信符金字紅牌

改給信
符金牌

潞江長官司曩壁

刪潞江二字
壁改壁

○按明實錄作曩壁

遣子維羅法貢馬方物

惟改

○按明實錄作惟羅法

南甸傳南則炎瘴如烝

烝改

乞置四巡檢司鎮之○按南甸四巡檢司設於木縛雷

傍哈止壠磨孟倫等處見一統志

茶山傳茶山長官司○按茶山長官司傳未詳其置自

何時考地理志稱永樂五年析孟養地置屬金齒軍

民司一統志稱土酋早姓舊屬孟養永樂三年孟養
叛蠻曰早章憤其不忠遂不附五年詣闕賜印綬爲
長官其建置年代與志合

里麻傳里麻長官司○按明實錄及通志諸書皆作里
麻與此同地理志作麻里誤

木邦傳罕落法襲父職族人構難落法避於孟更○按
是時落法部族罕捐法者欲推落法叔罕逆襲乃挾
頭目刀板放等聚眾謀殺落法落法遂奔見蠻司合
志

孟都蠻者○按一統志木邦本名孟都則是孟都卽木
邦地此別之曰孟都蠻未識何據

曩罕弄騎蹇不服○按成化初南寧伯毛勝貪猛密寶石許得自貢不關木邦而太監錢能直就徵其地自是曩罕弄益縱恣無忌見蠻司合志

遂命宗巡撫雲南○按宗乘傳至滇卽大言孟密宜開設巡撫吳誠有難色宗叱之曰爾敢與內廷抗耶遂率鎮守及三司會勘杖木邦訴民而犒孟密使者踰南牙山就見曩罕弄曲徇所請見明史紀事本末

孟密土舍思牒

牒改牒下同

○按明實錄作孟密土舍思牒

於是巡撫張誥等會奏○按是時誥遣參政毛科副使荆茂詣孟密撫諭見識大錄

萬厯十二年忠齋僞印來歸命三

改

○按思忠等之歸

命也朝命以思忠爲孟密宣撫思化爲猛哈同知思順爲蠻莫安撫比信符至而思忠等已復投緬矣見明實錄

罕洪思禮奔隴川

洪改洪

孟養傳成祖卽位改雲遠府爲孟養府○按地理志稱洪武十五年改雲遠路爲府十七年改爲孟養府後廢洪武三十五年十二月復置此以改稱孟養屬之成祖卽位時互異

十四年復設孟養宣慰司○按永樂九年五月孟養宣慰刀王養來朝貢馬賜賚如例見明實錄

思陸發者○按明史紀事本末及識大錄諸書法者蠻

酋自大之稱內地遂訛法爲發故傳中或稱發或僅稱思陸他傳似此者甚多

因得入貢至以襲祖職○按弘治改元詔頒徼外上酋金牌信符時孟養宣慰已廢而兵部誤以舊號頒給思陸思陸遂誑諸蠻曰天朝復我官矣諸蠻信之勢遂日盛見明史紀事本末

官軍糧絕遽引退○按是時詰遣兵備副使趙炯分守參議黃東山左參政毛科調官民兵萬二千人防護科炯會騰衝東山先之隴川儲糧科會炯發孟養兵又增發隴川南甸干崖三宣撫兵欲藉此挾撫以成功科營戛勒河西炯營其東東山因與炯議不合留

止干崖戒各倉毋與軍士糧而科復以失火燬營喪
軍器千數引兵駐南牙山與孟養兵會比思英堅守
不出復遣人諭之乃與約降是時軍無糧采芭蕉心
以食迨引退皆飢疲且聞蠻莫追者在後自相蹂踐
死者無算見明實錄

孟養思倫等各願貢象牙土錦金銀器○按思倫卽思
陸子也見蠻司合志

車里傳改置軍民宣慰使司○按車里軍民宣慰使司
之置地理志作洪武十九年明實錄與此同

老撾傳旣而帝以刀線歹潛通安南季犛遣使詰責○
按永樂二年安南故王陳日烺弟陳天平爲黎季犛

所迫竄走老撾老撾遣送至關見明實錄

列傳第二百四 貴州土司

貴陽傳領長官司十八○按地理志稱貴陽軍民府領長官司十六未載貴竹平代與此互異

其貴州宣慰司所領長官司九○按地理志貴州宣慰司領長官司七未載青山劄佐與此互異

子貴榮襲○按正德中貴榮以從征香鑪山有功加貴州布政司參政猶怏怏乃奏乞減龍場諸驛以償其功事下兵部時主事王守仁以言事謫龍場驛丞貴榮敬禮之守仁貽書切責貴榮止其事見王守仁文集

漢民張純○按蠻司合志作張統

應龍之祖以內難走水西客死○按應龍之祖楊相寵
庶子煦嫡子烈母張悍甚與烈盜兵逐相相遂走死
水西見明史紀事本末卽下文所謂楊相喪亂者也
烏撒土舍謀逐安効良○按是時烏撒土舍安効良初
與堂弟安雲翔爭立廷議以嫡派立効良雲翔數爲
亂謀逐効良焚劫烏撒見明史紀事本末

分兵破安順平壩霑益○按是時安効良亦助邳彥西
陷霑益而邳彥自統水西軍及羅鬼苗種數萬東渡
陸廣直趨貴陽別遣王倫等下甕安襲偏橋以斷援
兵見明史紀事本末

巡撫李滢方受代

滢改檄

○按本傳作檄

已以王三善爲巡撫

至

分兵三道進○按是時三善師

次平越副將徐時逢與賊戰瓮城不利參將范仲仁坐視遂大敗殺前鋒馬一龍等三善乃命副使何天麟等從清水江進僉事楊世賞等從都勻進而自將二萬人當賊鋒見明史紀事本末所謂分兵三道者指此

時奢崇明爲蜀兵所敗計窮投水西與邦彥合○按是時崇明求救於水西邦彥遣十六營渡河援之川將羅乾象急破蘭州覆其巢崇明遂走投邦彥謀分兵一犯遵義一犯永寧見蠻司合志

朱燮元爲蜀督建議滇兵出霑益遏安効良應援○按
六年二月邦彥謀分犯遵義而令奢寅專犯永寧未
行而寅爲其下所殺無何邦彥復寇貴州燒劫麻姑
孫官堡官軍敗績巡撫王臧遣都司張雲鵬等敗之
於趙官堡會崇明邦彥皆乞撫燮元聞於朝許之參
將楊明輝奉命往撫制書僅招撫安位不云赦邦彥
邦彥怒殺明輝撫議由此絕見明史紀事本末及蠻
司合志

而霑泥

霑改
摩

分遣別將林兆鼎從三壘入

三壘改
分

貴陽甫定

上增乃分水西地授諸酋
長及有功漢人十四字

思南傳元改宣慰司至屬湖廣○按元史地理志思南在元爲思州安撫司泰定中改爲宣慰司屬湖廣行省地理志洪武四年改屬四川六年十二月仍屬湖廣一統志稱洪武七年析置思南宣慰司

置思南府領長官司四○按地理志稱思南領長官司三僅載蠻夷沿河祐溪朗溪三長官司與此互異考明一統志水德江本水特姜長官司元屬思州洪武初改名屬思南永樂十二年屬府萬厯三十三年改置安化縣故地理志失載

命信國公湯和等討之○按是時和與江夏侯周德興從楚王禎討諸蠻破上王洞殺吳面兒俘四萬餘衆

且與江陰侯良平潭溪古州二百二十三洞籍其民一萬五千都督楊文同知韓觀勦古州洞蠻林寬俘其衆而顧成又復勦平平洲六洞諸寇凡一百三十七寨見明實錄

鎮遠傳仍改府屬貴州

改仍置府屬貴州

○按明實錄永樂十

一年置鎮遠府於州治正統三年省州入府是爾時特於鎮遠州增置府治並非改州爲府此所載誤且與下革鎮遠州不合

言巴也梁止諸寨爲亂指揮使陶効忠不問○按巴也梁止蠻司合志作巴野梁上陶効忠蠻司合志作陶啟忠均與此互異

黎平傳黎平元潭溪地也○按一統志稱黎平在元時置上黎平長官司隸新添葛蠻安撫司

永樂十一年改置黎平新化二府○按明實錄萬厯二十九年十一月改黎平府屬湖廣三十一年四月還屬貴州

覃洞上陸諸苗悉降○按覃洞上陸方瑛傳作覃洞上隆互異

安順傳洪武初爲普定府○按通志洪武十四年仍置普定府十六年又析置安順州屬焉十八年府廢以州爲普定衛隸四川

弘治十一年普安州土判官隆暢妻米魯反

一改二妻改妾

通暢被出

出改逐

暢聞怒立殺禮

刪聞字立字

阿保挾魯與其子阿鮮等攻暢

鮮下增莫下同

別居南安

南安作安南衛

帝命南京兵部尙書王軾

兵改戶

安民自辨得赦○按是時已下安民於獄旋釋之見明

史紀事本末

都勻傳元曰都雲○按元史地理志置都雲軍民府通

志元時置都雲軍民府及定雲府尋合置都雲定雲

安撫司隸雲南行省

永樂十一年改隸貴州

一作七

曰平州

州改

諸苗功劫

功改

巡撫鄧廷讚提督軍務

讚改

總兵楊仁巡撫陳克宅平之○按是時克宅調土漢官兵三萬集壘下攻三月不克乃分兵歷破賊黨凱酋等壘隨招降附近四十八寨苗命土官安萬銓率兵攀崖躡絕頂自山後馳下楊仁等仰面攻之遂斬阿向凱口盡平見明實錄

都御史遣指揮郭懷恩及長官金篆往問狀○按是時都御史爲何起鳴見一統志

平越傳萬厯中始置府屬貴州○按地理志洪武十四

年置平越守禦千戶所十五年閏二月改爲平越衛
十七年二月升爲軍民指揮使司屬四川尋屬貴州
都司萬厯二十九年兼置軍民府於衛城屬貴州布
政司一統志所載同皆與此互異

領縣四

至

曰揚義○按地理志稱平越領三縣曰湄潭

曰甕安曰餘慶此作領縣四多一平越互異考一統
志明通志諸書平越衛置於明初萬厯二十九年兼
置府治於衛城終明之世平越衛未嘗廢亦未嘗爲
縣至本朝康熙十一年乃改衛爲縣此所載誤又地
理志及明通志稱平越領長官司二曰凱里曰楊義
凱里置於嘉靖八年屬清平衛萬厯二十九年屬平

越府且本傳下文亦稱天啟四年凱里土司叛則凱里之領於平越尤明此稱領長官司一誤且訛楊爲揚

遂移師龍頭黎蘭等寨○按黎蘭等寨鄒文盛傳作都黎都蘭

明史攷證擴逸卷三十八

明史攷證擴逸卷三十九

長洲王頌蔚編集

列傳第二百五 廣西土司一

桂林傳提督吳桂芳因其間遣典史廖元入上六里撫諭之○按是時桂芳奏古田自弘正來知縣未嘗入城今廖元撫賊有功宜陞主簿徐擢爲縣且本省總兵止以都指揮統之不兼制柳慶權輕位下凡事輒爲撫蠻道所持請稍重將權部議加都督銜兼柳慶廖元陞擢皆如議見明實錄

旣而生縛銀豹并其子扶枝膠送京師○按是時僉事金柱捕得銀豹正茂因自劾詔勿問見明實錄

更陞古田縣爲永寧州○按地理志一統志稱古田縣

之爲永寧州也在隆慶五年三月

柳州傳融州羅城洞蠻潘父惹州改縣下同

仍隸籍爲民宣德初改隸籍爲民宣宗卽位

慶遠傳漢交趾日南二郡界改漢爲鬱林郡地晉以

乾符中符改封

那地縣土官羅貌來朝以貌知縣事縣並改州

又長官司二曰永安永順改又長官司三永順永定永安

永安司安改定

都御史鄧廷瓚爲奏置永順永安二司安改定

平樂傳平樂初爲縣○按平樂漢屬蒼梧郡地三國吳

置縣歷晉至隨皆因之唐武德四年爲樂州旋改昭
州天寶初曰平樂郡後復曰昭州宋曰昭州平樂郡
見一統志傳僅稱初爲縣殊未詳核

新立於矮石城

矮改
雷

平樂府之昭仁堡

仁作
平

府江有兩岸三洞諸獐皆屬荔浦延袤千餘里○按正
德十三年五月都御史陳金奏府江爲兩廣舟船必
由之路苗賊出沒江道阻塞請於昭平堡創建守備
署移守備平樂指揮居之摘撥廣東各衛所官軍二
哨並桂平梧柳民兵二千人分番防守又調柳慶土
民田州土兵三四千人耕種沿江荒田從之見明實

錄

荔浦之峯門南源修仁之麗壁永安之古眉諸巡司○
按峯門巡檢後遷中峒南源巡檢後遷下峒又遷延
賓江見一統志

而布政司以爲不便總制乃議立八寨爲長官司
茂
總制改正

梧州傳擊金雞松柏諸寨
雞改鵝

潯州傳千戶滿智等誘殺十人
滿改潘殺改執

命以雍爲僉都御史都督同知趙輔爲征蠻將軍○按
輔亦王竑所薦見明史紀事本末

賊奔渡橫石江
石改水

僉事孫繼祖

祖改武下同

嘉靖十八年二月兩軍齊發○按萬達之追賊羅連山也檄右軍抵長洲沿江繞出賊背賊於諸險隘伏器械防禦官軍以計發之追斬百餘級會右軍迷失道愆期三日又土目盧蘇受賊賄斂兵縱之而羅連亦官軍古所未至者賊深入山遂不復窮追云見明實錄

藤峽復平○按藤峽復平之後萬達汝成獻善後七事於蔡經一編保甲以處新民二立營堡以通江道三設多備以控上游四改州治以建屯所五清狼田以正疆界六處款兵以慎邊防七權商稅以資公費經

爲奏行之見明實錄

南寧傳南寧領州四曰新寧曰橫州爲流官曰上思州

曰下雷州爲土官縣三曰宣化曰隆化曰永淳

改南寧領

州七曰新寧橫州爲流官歸德果化上思州下雷州忠州爲土官縣三宣化隆安永淳

列傳第二百六 廣西土司二

太平傳太平上官黃英衍等遣使齎印詣平章楊璟降

○按是時田州府土官岑伯顏與英衍同齎印降見蠻司合志及田州傳

土官李鐵釘歸附○按李鐵釘一統志作李正英

宋隸太平寨

至

省入永康州○按思同州宋史屬左江

道不屬太平寨元時則屬太平路見一統志傳以爲

宋隸太平寨者誤也其二十八年省入永康一統志作二十七年與此互異

宣德間稍侵其鄰境肆殺掠萬厯三年討平之

改宣德三年其

齋趙文安侵掠鄰境七年討平之

○按一統志宣德三年日泰齋趙

文安侵掠鄰境伏辜七年置流官此誤

土官李添慶歸附○按李添慶一統志作許添慶

舊名營周

周改州

○按一統志及土夷考俱作營州此誤

土官李世賢歸附○按李世賢一統志作趙世賢

宋置安峒

改宋屬結安峒

○按方輿紀要結倫州宋爲結安峒

地此脫結字且不當云宋置

洪武二年

改洪武初

元屬太平路○按都結州古名渠望洪武初土官農威烈歸附見土夷考一統志

土官趙雄傑歸附○按趙雄傑一統志作趙斗清土官楊姓○按土官楊姓楊榮賢也見土夷考

思明傳遣千戶袁洪奏永固國本事請易儲○按珰先遣人入京賂用事者請易儲景帝大悅命廷臣會議大學士陳循力主之遂易見濟爲皇太子珰遂蒙大赦原免復職并進都督賜誥命見蠻司台志

總督戴耀奏

耀改

宋屬承平寨

承改

○按宋建五寨於左右二江一名永

平見宋史此誤永爲承

成化八年升爲州○按地理志作成化十八年互異

總督蔡經

蔡改張

思恩傳請陞思恩爲府○按陞思恩爲府在正統四年

見地理志

橋利堡正當猺寇出沒之所

橋改喬

巡撫朱英請獎鏖功

巡撫改總督

鎮安傳改爲府○按鎮安於洪武二年改府見地理志及方輿紀要

帝命新建伯王守仁治之

改帝命兩廣總督陶諧治之

○按王守仁

卒於嘉靖八年此係十四年事何以命守仁治之是時陶諧總督兩廣據諧傳及明實錄明史紀事本末

改

田州傳唐隸邕州都督府

唐下增置田州三字

宋始置田州

改宋因之

○按新唐書田州開元中開蠻洞置

則唐始置田州也此云宋始置誤

後改田州

刪田字

巡撫秦紘

巡撫改總督

○按紘本傳時爲右都御史總督兩

廣此云巡撫誤

獠亦自殺○按明史紀事本末土目黃驥李蠻發兵殺

獠此云獠亦自殺與彼互異

沈希儀斬猛長子邦彥於工堯隧

隧改隘

○按工堯隘在

田州東一百二十里爲州險隘見一統志及唐荆川

集此作隧誤

詔從富言○按富原疏又言宜降府爲州卽以猛子邦相知州事止選吏目一人佐之分設土巡司使各世其地則彼此相防爲便部議邦相止授判官俟其勞著而後授之餘如富言見明實錄

帝命守仁亟爲勘處

守仁亟爲改總督陶諧

○按盧蘇作亂時守

仁已卒時陶諧總督兩廣也

恩城州傳巡撫秦竑請調兵剿之

竑改

○按本傳作紘

都康州傳三十二年復置○按洪武止三十一年其三十二年乃建文元年也永樂時革除建文年號故統稱洪武今本紀旣列建文年號傳中不宜仍循明時

紀載之文

列傳第二百七 廣西土司三

泗城州傳如不服

如下增仍

正德六年

改其明年

○按正德年中事尙在後文此係正統

六年其事本上下相承傳誤統爲德也上文已有正

統元年領起此處不須複說正統

永樂初置長官司

初改中

○按地理志上林長官司永樂

七年置不得云初

正統元年泗城州岑豹侵據利州地○按泗城州傳內載正統二年豹攻利州掠其叔顏妻子財物此作元年彼此互異

龍州傳宋置龍州隸太平寨

改唐始置龍州宋仍之

○按唐始置

龍州隸安南都護府宋仍之改隸邕州太平寨則龍州乃唐置非宋置也此云宋置誤據唐書及方輿紀要改

鄭國公常茂以罪謫居壽州

壽改龍

則謀於岑氏

刪則字

岑氏恃兄子猛方兵雄

兄子改姪刪方字

璋賂鎮守太監傅倫舍人

舍上增及錦衣三字

都御史楊旦討璋猛殺之

璋猛改韋璋

○按楊旦所討者僅

韋璋一人伏誅至岑猛於嘉靖五年爲姚鎮所誅歸

順州傳沈希儀傳及明史紀事本末蠻司台志並同

何緣於正德年間旦得誅猛也

都御史蔡經屬副使翁萬達謀之

蔡改張

歸順州傳以本州改隸布政司○按歸順改隸布政司在嘉靖初見地理志

向武州傳文調右副將軍韓觀

左右改

○按韓觀爲左副

將軍其右則都督宋晟也龍州奉議兩傳並作左字此誤爲右據明實錄及各傳改

思陵州傳宋置屬永平寨

改唐始置宋仍之

○按思陵州係唐

置隸安南都護府見唐書此云宋置誤

改乾寧安撫司爲瓊州府

改改立瓊州府

儋州萬安軍俱爲州

儋州下增南寧軍萬州五字

南建州爲安定縣隸焉

安定改定安

○按崖州爲元吉陽軍

所改儋州爲元南寧軍所改萬州爲元萬安軍所改此誤脫南寧軍萬州五字而以萬安軍屬儋州彼此舛錯定安縣誤作安定並據一統志地理志增改

銘復率土黎峒首王賢祐

土改生

命賢祐爲儋州同知惠存禮爲萬寧縣主簿

寧改安

○按

萬安軍所屬有萬寧縣宋末已改萬寧縣爲萬安縣元仍名萬安明正統年裁永樂時猶存今仍舊稱萬寧者誤據一統志改

瓊州知州王伯貞執不可

知州改知府

○按洪武二年曾以

瓊州爲州其明年遂改府此作知州誤據一統志地

理志改

釀成今日南蛇之禍○按是時參議劉信勦南蛇敗績幸伏羌將毛銳率漢達狼士兵十萬出儋州賊大潰斬殺幾盡見蠻司合志

嘉靖十九年總督蔡經

蔡改張

○按張經傳於嘉靖十六

年總督兩廣嗣以平瓊州黎加兵部尙書是嘉靖十九年兩廣總督乃張經非蔡經也

諸黎盤居山峒

居改踞

惟東南連郎温脚二峒

温下增嶺字

必借二峒東江以分我兵勢

江改註刪以字

以達安定

安定改定安

明史攷證攬逸卷三十九

明
弘
治
三
十
年
十
月
九
日

九

明史攷證攢逸卷四十

長洲王頌蔚編集

列傳第二百八 外國一

朝鮮傳漢末有扶餘人高氏據其地改國號曰高麗○按朱國楨朝鮮記戰國時屬燕秦屬遼東築長城自此起漢末公孫度開府行牧事於遼東并有其地三傳爲魏所滅晉永嘉之亂夫餘別種高璉侵據稱高麗

已爲唐所破東徙○按唐書高麗傳高宗總章元年拔平壤城禽高藏男建等獻俘於含元宮分其地置都督府傳云爲唐所破蓋本此

元至元中西京內屬○按金大定時高麗臣趙位寵曾以慈悲嶺鴨綠江四十餘城內附世宗惡其叛逆不許見金本紀及續通鑑

三年正月命使往祀其國之山川○按是時奉使者爲禮臣徐師吳至五月乃至其國事詳朝鮮記

顓被殺已久

殺改弑

十一年四月禍復命誼來貢○按禍復命誼來貢遵前約也時陪臣皆至言嬖臣洪倫弑顓仁人誅倫立禍明祖以殺中國命使其罪大非朝貢如約不免興問罪師乃賜敕遣歸之事詳大事記

權臣李仁人以辛旽子禍主國事○按朝鮮記以李成

桂爲李仁人子然以傳考之則係異族觀後禮部議
可見且此奏中上言權臣李仁人下言大將李成桂
則國楨記當未可據

潛渡鴨綠江欲入寇

寇改邊

帝以表文語慢詰責之○按金世宗時朝鮮表賀稱進
玉帶啟函但小石數枚世宗以小國不與較至是入
貢復雜空紙於表函中故特加嚴諭詳載大事記

正統元年三月放朝鮮婦女金黑等五十三人還其國
○按此事在正統二年見明實錄

先是建州長童倉

至

慮其同謀擾邊

○按李滿住乃建

州指揮李顯忠之子顯忠本名釋嘉努以功賜姓名

見明實錄

綽命將禽獲五十餘人

刪獲字

命使調發朝鮮及野人女直兵

野人女直改女直諸部

開原瀋陽有寇入境

寇改兵

係建州海西野人女直頭目李滿住等爲嚮導

野人改諸部

天順三年

至

恐爲中國患○按天順初其國王與鄰部

仇殺廷議遣給事中張寧都指揮武忠往寧乃宣德

威示禍福因請寧忠閱兵忠挽強射雁應弦而落國

人大懼服謝咎解兵詳見大事記

建州衛野人

野人改諸部

今野人實係復讐

野人改諸部

孫遣中樞府知事康純統眾萬餘渡鴨綠潑豬二江攻破九獮府諸寨○按潑豬江一統志及高麗志俱不載惟方輿紀要有之云卽黑龍江別名也至九獮府識大錄作兀彌二名俱不載他書考一統志鳳凰城外近朝鮮界有九連城故趾金時幹魯所築以捍高麗者或明時訛爲九獮而識大錄又訛作兀彌耳

遼東連年被寇

寇改兵

眈病篤以所生子幼命其兄故世子暉之子斐權國事

○按大事記載眈子病廢以兄子斐嗣與傳互異

斐奏建州野人

野人改諸部

侵擾邊境不已

侵擾改縱橫

娒奏小邦北連野人

野人改女直

天子初踐祚

祚改

權臣李仁人誅倫萬生而立禍擢成桂爲門下侍中○
按疏言成桂非李仁人子甚悉考原疏謂李仁人乃
京山府吏長庚之裔

峒咨稱福建人從無泛海至本國者○按是時峒獲福
清通番人馮淑等并貨物解遼東故有此咨事見朝
鮮記

三十五年五月有倭船四自浙直敗還漂入朝鮮境○
按嘉靖三十六年大內災峒上表奉慰且封子顥清
爲世子

率舟師逼釜山鎮○按一統志釜山在朝鮮東萊州南
二十里西北去國城千四百里濱大海與日本對
馬島相望

遊擊史儒等帥師至平壤戰死○按明史紀事本末史
儒師至平壤不諳地利且霖雨馬奔逸不止遂戰死
如松旣勝輕騎趨碧蹠館敗退駐開城○按碧蹠館去
王京三十里時如松馳至大石橋馬蹶幾斃倭猝至
圍數重將士殊死鬪矢且盡倭前縛李將軍甚急裨
將李有昇以身蔽如松刃數倭竟中鉤墮爲倭支解
會楊元援兵至乃得潰圍出事詳明史紀事本末
詔小西飛入朝○按小西飛係倭使沈惟敬同來請款

者見明史紀事本末

乃檄楊元屯南原吳惟忠屯忠州○按時大學士張位請屯田開城平壤以資軍興朝鮮恐中國吞并以磽确爲辭議遂寢見明史紀事本末

東阻烏嶺忠州

鳥改鳥下同

○按高麗志烏嶺在慶州西北

懸崖鑿削中通一綫爲朝鮮南道雄關此作烏嶺誤麻貴發兵守稷山○按稷山在忠州西與青山相近稷山之南卽天安郡城南下全州要道時倭陷全羅故貴守此以遏其鋒

士卒物故者二萬上聞之震怒乃罷鎬聽勘○按是時鎬貴會同邢玠露布誑奏尉山大捷諸營上簿書士

卒亡者二萬鎬大怒駁正止稱百餘人繼爲贊畫丁
應泰所劾上震怒欲付法輔臣趙志皋方救乃罷鎬
等聽勘見明實錄

四十七年至或降或戰死○按己未二月明帝命經略
楊鎬統兵二十萬號四十萬分五路來攻朝鮮兵隸
南路出寬甸口爲大兵敗於薩爾滸其兵將多降此
征服朝鮮之始

欲略寬奠鎮江等處

奠改甸下同

四年四月封倭爲國王○按朝鮮記天啟五年編修姜
曰廣給事中王夢尹奉詔至朝鮮察鎮江軍情

期今冬大舉犯朝鮮

犯改攻

七年三月至敵遂移兵攻麗矣○按天啟七年爲我朝天聰元年維時大貝勒阿敏貝勒濟爾哈朗等征朝鮮屢戰克捷遂克義州擣鐵山又克安州至平壤城朝鮮國王遁江華島至崇德元年遂平之立碑於駐軍地此爲臣朝鮮之始

列傳第二百九 外國二

安南傳傳其壻陳日炬○按陳日炬宋史作日照元史及識大錄吾學編作日昃此又作日炬諸書互異

取他道至江北府新福縣

江北改北江

○按一統志有北江

府朱睦㮮所撰張輔傳並作北江此因下文大發江北民而誤

設交州北江諒江三江建平新安建昌奉化清化鎮蠻
諒山新平演州又安順化十五府○按識大錄作十
七府無演州有升華又有太原宣化與此不同明史
紀事本末王世貞紀葉向高志吾學編未睦樛撰張
輔傳亦俱作十七府

及容貌魁岸便利

岸下增語
言二字

○按吾學編容貌魁偉語

言便利此脫語言二字

悉以禮敦致

刪悉
字

於是張輔等

刪張
字

由雲南征討

征改
往

推簡定爲太上皇

太改
越

○按張輔傳簡定已僭稱越上

皇定本建國爲越故以國號冠上皇也陳季擴別爲一姓不當如前黎季犛之傳其子奎因自稱爲太上皇也此作太誤

輔軍至父安上黃

上改土

○按父安府所領有土黃縣獻

徵錄輔傳作土黃此誤土爲上

進軍政和

和改平

○按張輔傳進至政平州州爲新平府

所領此作政和誤據一統志及輔傳改

有楊公院多者

公改恭

○按李彬傳作楊恭此誤恭爲公

出據可藍堡

堡改柵

知州琴彭死之

州改府

利在清化聞之

清化改父安

○按王通傳及明史紀事本末

並作利在乂安是時清化未破下文明言羅通不從則利何由得在清化也

惟清化知州羅通不從

州改府

命尙書卿凌信

書改寶

○按信以尙寶卿出使見明實錄

此作書誤

時雲南鎮守中官錢能貪恣○按能在雲南私與灝通
關結諸蠻姦宄驛騷雲南幾危巡撫王恕盡發其姦
乃止見葉向高安南志

殺調而自立

刪而字

調臣都力士莫登庸

都下增齊字

○按明史紀事本末莫登

庸本都齋漁人有勇力下文亦言移居都齋海陽則

都齋係安南地名此脫齋字頌蔚按明武備志都齋
曰古齋本莫登庸故鄉無城郭以鐵黎木作排柵三
層爲外衛登庸所自居也徐延旭越南輯略登庸父
流寓安南海陽道宜陽孫古齋社據此都齋一名古
齋都齋屬海陽道下文應稱移居海陽都齋不應以
都齋冠海陽之上又按越南輯略稱登庸有勇力黎
暘以爲都力士都力士似是官名此於都下增齋字
恐非

乃其立暘兄灝之子諱

顯改灝

○按識大錄灝生二子長

暉次昭暉生敬誼昭生灝及滌灝又生二子曰椅曰
椿滌卽暘椅卽諱也據此則諱爲暘兄灝之子且暘

本灝孫暉兄不應與祖同名也識大錄作灝最是蔚

按灝越南輯略作滢與明史同識大錄作灝當誤瑤越南輯略作瑀本名鎮思誠第五子

給事中謝廷蔭蔭改

方瀛子福海嗣○按福海不能輯眾爲黎寧所逐居南海上朝廷亦置不問久之福海子弘灝復振卒逐黎氏有其國見明史紀事本末

茂治敗奔喜林縣喜改○按一統志安南北江府領嘉

林縣此誤嘉爲喜

列傳第二百一十 外國三

日本傳謂宜朝則來廷廷改

豈蒙古裔耶蒙古改○按吾學編續文獻通考俱稱豈

良弼裔耶似更明析

帝益嘉之遣鴻臚寺少卿潘賜

改帝益嘉其誠於是遣行人潘賜

○按

嚴從簡殊域周咨錄潘賜於永樂初以行人使日本歸進永樂大典頌及歸化書因擢禮部郎中賜以永樂二年成進士不應於四年卽官鴻臚也殊域錄於八年弔祭源道義之使則爲太監雷春鴻臚少卿潘賜吾學編亦同傳於序次時移潘賜後來之官位於其先而又不載八年使事殊爲失實

明年正月又遣侍郎俞士吉

改明年春遣俞都御史俞士吉

○按士吉

附載夏原吉傳宣德初方爲南京刑部侍郎其出使日本時則僉都御史也獻徵錄並同此作侍郎誤

十一月使臣清啟復來貢傷人於市

改冬使臣清啟復來貢其下傷人於

市

○按清啟復來貢之下應有其下二字義方明晰

下文還至濟寧其下復持刀殺人蓋蒙此處傷人於市而言則爲脫落無疑

不能通攝

能通作相統

由是浙閩大姓素爲倭內主者失利爲怨紬○按是時佛郎機米商至漳民畏紬厲禁不與通商人與漳民格鬪紬令都指揮盧鏜海道副使柯喬悉殺之御史陳九德核其事擅濫殺詔罷紬下鏜喬吏命給事王家楨卽訊如御史言鏜喬論死逮紬至京紬自殺於是當事者以紬爲戒見識大錄

趨南陵遂達蕪湖○按賊自浙至南陵無阻之者蕪湖
丞陳一道引軍來援賊手接我所射箭皆相顧愕眙
一道麾軍與僕子義死之見識大錄

與其黨王激葉宗滿謝和王清溪等○按葉宗滿胡宗
憲傳作葉碧川互異

直以爲信遂與宗滿清溪偕來○按宗憲令直自繫獄
待命因以狀聞請姑許諸番貢市曲貨直等用繫番
人心俾經營自贖御史王本固不可江南人洵洵言
宗憲得倭人金宗憲恐乃易疏言直等死在不赦廷
議梟直而戍其黨見識大錄

又陷廣東銅鼓衛雙魚所○按兵志所載各衛所廣東

有雙魚所其銅鼓衛轄於湖廣不屬濱海

乃改國王所居山城爲大閣○按吉自爲大閣王見續
文獻通考

陷朝鮮之金山

金改釜

以五月渡津

改五月渡臨津

○按一統志朝鮮有釜山朝鮮傳

亦作釜此誤釜爲金又渡下脫臨字

列傳第二百一十一 外國四

琉球傳琉球居東南大海中○按琉球北史隋書作流
求元史作瑠求隋大業時海帥何蠻羽騎朱寬並入
其國又虎賁郎將陳稜朝請大夫張鎮州率兵自義
安浮海擊之直至其都掠男女數千人而還見寰宇

記隋書

遣官齎敕往勞○按洪熙改元宣德二年五年八年頻遣柴山使琉球因於福建海岸立廟作祀見殊域周咨錄

行人董守宏

董改童

○按童守宏爲浙之天台人登正統

七年進士見浙江通志

十一年世子以國中臣民狀來上○按十一年尙清上言一統志載琉球有落漈王居壁下聚鬻饑事非實及杜氏通典星槎勝覽諸書皆妄乞付史館詔從之見吾學編

隆慶中凡三貢

三改四

○按本紀元年二年三年五年琉

球並入貢是四貢非三貢

呂宋傳稍怠輒鞭撻

撻改撻撻

今雲南李鳳

雲南改廣東

曹於汴

於改于

婆羅傳又名文萊

萊改萊

○按明實錄作文萊

麻葉甕傳木綿

綿改棉

文郎馬神傳民多縛木水上

縛改縛

明史攷證擴逸卷四十

明史攷證攬逸卷四十一

長洲王頌蔚編集

列傳第二百一十二 外國五

占城傳改國號曰環

改改號曰環王

○按新唐書至德後改號

環王目錄中亦作環王則竟以環王爲國號矣此脫王字

會同館副使路景賢○按吾學編作路貢賢

遣使往祀其山川○按是時使臣係翰林院編修羅復仁兵部主事張福事在洪武二年見安南傳

十二年貢使至都○按洪武八年上以占城與瓜哇諸國貢使每至中國爲商多行譎詐詔禁阻之見嚴從

簡殊域周咨錄

四年貢白象方物復告安南之難○按四年敕廣東都指揮司選精兵六百由海道往占城會兵伐安南又遣中官馬彬齎敕賜鍍金銀印及金銀文綺等物占城旣出兵又遣中官王貴通往勞賜鈔幣見明實錄及殊域周咨錄

侵升華府所轄四州十一縣地○按一統志安南升華府轄二州十一縣與此互異

乃遣給事中管腫

管腫改舒腫

○按殊域周咨錄正使給事

中舒某失其名獻徵錄吳惠傳云偕給事中餘姚舒某則傳所云管腫者誤也題名錄宣德八年進士舒

瞳爲餘姚人與獻徵錄所云餘姚舒某其地其名確
然相合而字書並無瞳字應爲瞳字之誤

臣時年幼

改臣時年
方幼弱

遜位於舅氏摩訶賁該

刪舅氏
二字

○按貴來爲占巴的賴

之姪賁該爲占巴的賴之孫則貴來不應以賁該爲
舅氏傳內自相矛盾

命給事中黃汝霖行人劉恕封王弟槃羅茶全爲王○

按殊域周咨錄天順中命給事江彤行人劉寅之封
槃羅茶全爲王與此互異

然自邦都郎至占臘

占改眞
下同

○按眞臘傳云宋慶元中

改名占臘元時仍稱眞臘則明成化時不得稱占臘

東至海南至占臘○按宋史占城國東至海西至雲南
南至眞臘北至驩州其地東西七百里南北三千里
所統大小州三十八與此不同

五年

上增正
德二字

命給事中李貫行人劉廷瑞往

廷改文

○按劉文瑞爲正

德辛未進士係廣東新會人占城使還擢刑給事此
誤文爲廷據殊域周咨錄題名錄改

請如往年古來故事

刪古來
二字

分晝夜爲十更○按吳惠使占城日記云夜鼓以八更
爲節與此異

棋枰香獨產其地

棋枰改
伽南

○按伽南香出占城諸國見

明會典此作棋枰誤

占城附傳賓童龍○按宋史作賓陀羅

眞臘傳永樂元年遣行人蔣賓興王樞以卽位詔諭其國○按殊域周咨錄永樂初遣御史尹綬往其國與此異

名曰百塢洲○按一統志作白塢洲

晝然鑑

晝下增夜字

○按隋書作晝夜然鑑

女子則額上翦髮如錢大

刪則字

暹羅傳二十年貢胡椒一萬斤蘇木一萬斤○按二十

年貢本紀不載蘇木一萬斤殊域周咨錄作十萬斤

中官牛榮縱家人私市○按牛榮與家人蔣義黃麟私

自收買裝至南京又復匿稅爲南刑部尙書趙鑑查
追入官蘇木三十九萬九千五百八十九斤胡椒一
萬一千七百四十五斤榮又黃緣內璫中旨給還原
主刑部尙書林俊疏爭乃詔仍舊入官見殊域周咨
錄

大楓子

楓子

○按周達觀眞臘記大風子乃樹之子本

草云以治大風此誤風爲楓據本草綱目及殊域周
咨錄改

瓜哇傳瓜哇○按續文獻通考瓜哇又名蒲家龍

洪武二年太祖遣使以卽位詔諭其國○按洪武二年
遣行人吳用顏宗魯詔諭其國見殊域周咨錄

前中官吳慶

吳改

○按蘇門答刺傳中官尹慶使瓜哇

成祖時出使中官並無吳慶傳蓋因上吳賓而誤也
瓜哇附傳蘇吉丹瓜哇屬國○按蘇吉丹有王百餘歲
能知吉凶見識大錄

日羅夏治○按獻徵錄殊域周咨錄俱作日夏羅治

三佛齊傳由是商旅阻遏○按瓜哇既殺使臣三佛齊
亦誘中國他使羈留不遣三佛齊扼諸蕃咽喉商舶
不入其境輒出舟與之戰故其地爲商舶所湊而天
朝之欲往海外者亦所必經自使臣被羈行者恐誅
而道以不通番商遂絕見識大錄

成祖以行人譚勝受與道明同邑○按勝受爲臨桂縣

明史紀事本末卷之四十一
四
丞以政最召爲監察御史降行人使還上以其能稱
使擢浙江按察使見殊域周咨錄

轄十五洲○按續文獻通考屬國有單馬令凌牙斯蓬
豐登牙儂細蘭等國

下稱其上曰詹卑○按王號詹卑其人多姓蒲見續文
獻通考

列傳第二百一十三 外國六

淳泥傳命御史張敬之福建行省都事沈秩往使○按
淳泥以金佩刀吉貝布贈秩秩辭之王曰中國使廉
潔乃如是耶闍婆人來討索每無厭況強之而不受
耶見殊域周咨錄

自十三年至洪熙元年四入貢

三改四

自占城四十日可至○按淳泥宋史言其去三佛齊四十日程去占城與摩逸各三十日程此言去占城四十日程與宋史異

滿刺加傳洗日浴月光景融

洗改沐

山居海伯翳扈從

居改君

鶴頂瑣服○按瑣服以鳥毳爲之紋如紉綺殊域周咨錄作瑣祲

男女椎髻

髻改結

蘇門答刺傳老王弟蘇幹刺逃山中

弟改子

○按老王弟

蘇幹刺獻徵錄續文獻通考識大錄並作漁翁子鄭

和傳亦云前僞王子此作弟誤

其使者至廣東有司驗無印信勘合○按成化二十二
年番人馬力麻爲海商詭稱蘇門答刺使臣私通販
易廣東市舶中官韋眷利其貨不究治之爲左布政
陳選所發以姦抵罪則本非蘇門答刺所使不徒無
印信勘合也與陳選傳互異

南渤利傳南渤利在蘇門答刺之西○按南渤利續文
獻通考作南渤里吾學編作南泥里又云或言卽南
巫里諸書互異

近山淺水内生珊瑚樹○按續文獻通考帽山近海水
内生黑珊瑚樹大者高二三尺如墨之黑如玉之潤

有枝婆娑

佛郎機傳其人無所獲利則整眾犯漳州之月港浯嶼

泉州改

○按一統志月港爲漳州所轄浯嶼爲泉州所

轄兵志並同此作漳州誤

和蘭傳卽駕二大艦直抵澎湖時三十二年之七月○

按元末於澎湖置巡司明洪武二十年盡徙其民廢
巡司而墟其地嘉靖中爲海寇曾一本所據以萬厯
二十年倭犯朝鮮增設戍兵未幾卽廢而一統志載
紅毛闌入之時乃在三十七年與此稍異

列傳第二百一十四 外國七

古里傳偕柯枝南淳利甘巴里滿刺加諸國入貢

淳改
勅下

同 ○按本傳及他傳引俱作渤

輕者斷手足重者罰金珠

輕重互改

柯枝傳柯枝國遠在西南距海之濱

距改

○按柯枝在

大海之中不得有濱可距獻徵錄作鉅不誤

錫蘭山傳錫蘭山或云卽古狼牙修 ○按錫蘭山一統

志言自古不通中國此言或云卽古狼牙修梁時曾

通中國據梁書天監十四年狼牙修入貢其國在南

海中此則言在西洋且所紀風俗亦與狼牙修稍異

惟啖魚蝦及山芋波羅密芭蕉實之屬

密改

榜葛刺傳左右設孔雀翎繖蓋百餘

至

王飾八寶冠箕

踞殿上高座

徽改

○按續文獻通考列孔雀翎扇蓋

數百此作繖蓋繖與蓋義嫌相複續通考又云王正殿高座嵌八寶不以八寶飾冠也亦與此異

麻林傳麻林去中國絕遠○按麻林殊域周咨錄作麻刺永樂初其王哇來頓本率其臣來朝至福州卒詔諡康靖

忽魯謨斯傳所貢有獅子麒麟駝雞福祿靈羊○按福祿識大錄作福鹿云似駝而花文可愛與此不同

南巫里傳南巫里在西南海中○按南巫里或云卽南泥里隸淳泥自蘇門答刺行三晝夜可至東距黎伐西北距海南連大山山南際海僅千餘家皆回回人見識大錄

加異勒傳加異勒西洋小國也○按加異勒居人不及
千家貧窶乏食常傭鄰國見吾學編

和復賜其國

賜改使

拂菻傳拂菻卽漢大秦○按拂菻一曰海西國見新唐
書

列傳第二百一十五 外國八

韃靼傳時元主奔應昌其將王保保據定西爲邊患○
按王保保卽擴廓特穆爾本名見本傳

諡元主曰順帝○按是時國人諡元主曰惠宗見歷代
建元考

大將軍達由中路由雁門戰不利○按是年五月達與

擴廓兵遇於嶺北中伏大敗死者數萬人見明實錄
及擴廓本傳非僅不利也

達等尋召還○按是年七月湯和又敗於斷頭山見開
國臣傳

洪武十一年夏故元太子愛猷識理達臘卒○按愛猷
識理達臘在位十一年建元宣光其卒也國人謚曰
昭宗嗣子卽位改元天元見高麗志

已將脫去爲鄭國公常茂所傷○按是時納哈出意中
變顧其下咄咄語鄭國公常茂麾下有曉蒙古語者
以告茂茂乃抽刀直前斫之後馮勝以激變咎茂茂
亦以行軍貪淫不律許勝明祖收勝總兵印而謫茂

明弘治四十一
戊龍州見開國臣傳

五傳至坤帖木兒咸被弑○按朔漠圖考稱坤帖木兒以建文三年卒不言其被弑與此互異

驥被殺○按郭驥被殺乃永樂七年事見明實錄

遇王子也先土干率妻子部屬來降○按也先土干係蒙古王子與脫懽之子也先異派時隨阿魯台北走爲其所忌故率屬降見本傳

明年景皇帝自監國卽位尊帝爲太上皇帝

明年二字移太上皇帝

下○按景帝卽位尊英宗爲太上皇在正統十四年

九月英宗之歸則在景泰元年此云明年景皇帝自監國卽位與明實錄不合

未幾爲所部阿剌知院所殺

未幾改景泰五年

○按也先爲阿

剌所殺乃景泰五年十二月事見明實錄此云未幾

敘事稍混

景泰六年

刪景泰二字

都督周顏

改僉事周賢

○按明實錄天順三年正月李來入

安邊營僉事周賢指揮李鑑戰死此作都督周顏誤

敗之於金谿峪

谿改雞

○按識大錄楊信敗李來於金雞

峪信傳亦作雞此誤

圭遇敵於固原川

川改州

○按圭之敗敵在固原州見獻

徵錄考之本傳亦同此作固原川誤

明年敵擁衆入大同寧夏境

明年改十三年

○按王杲敗績在

弘治十三年見本紀傳類敘於十一年之下曰明年是誤爲十二年事矣

太監苗達監軍○按是時監軍太監爲扶安見明實錄與此互異

十三年冬

改是年冬

劉瑾用事監軍皆闔人一清不得職去○按是時一清方議築邊牆修墩堡武宗已允其請發帑金數十萬後因劉瑾憾之引疾去僅修築四十里而已見獻徵錄及本傳

帝幸陽和親部署督諸將往援○按是時明武宗方以江彬言出游宣府遂至陽和非因禦北兵而去也此

敘次未晰

俺答下石嶺關趣太原○按是年三月俺答掠蘭州參將鄭東戰死見明實錄

俺答犯延綏及大同○按是年俺答先略松子嶺守備張文瀚戰死見明實錄

既而帝意中變○按是時嚴嵩與陸炳相比傾言發其與邊將書稱關節故河套之議中變見明實錄及閹黨傳

總兵李淶戰死○按是時戰死者尚有參將馮恩見明實錄

參將趙傾葵李光啟丁碧先後戰死○按明實錄是年

參將李光啟被執不屈死此云戰死互異

秋復入大同右衛境○按是年三月吉囊同時犯延綏副總兵陳鳳戰死見明本紀

秋總兵楊照敗死○按楊照因襲敵廣寧塞外戰死見明實錄

自是敵數入成梁等數敗之○按明實錄萬厯九年土蠻犯錦州游擊周之望敗沒旋爲李成梁擊走

總兵李如松遠出擣巢死之○按如松以中伏而敗事在是年四月見明實錄

而以把漢比吉素效恭順

改而以巴噶妻必濟素效恭順

○按必濟爲

巴噶柰濟之妻卽俺答先爲之娶者也此作把漢比

吉誤以夫婦二名合爲一人

而虎已卒

改胡土克圖已卒

○按胡土克圖卽林丹汗以大兵

入境西奔走死於打草灘見實錄蓋元裔之稱汗至此乃絕實與明相終始

明未亡而插先斃諸部皆折入於大清○按實錄太宗文皇帝天聰六年平察哈爾維時爲明崇禎五年列傳第二百一十六 外國九

瓦刺傳馬哈木等遣暖答失等隨亦刺思來朝貢馬○

按來朝貢馬並貢貂裘珍異事詳王世貞衛拉特志帝旣自將擊破本雅失里及阿魯台兵○按明史紀事本末及獻徵錄識大錄云永樂七年遣給事中郭驥

使本雅失里見殺上大怒敕淇國公邱福等討之而
本雅失里已爲瓦剌所襲破

三部埽境來戰○按三部埽境來戰時寧陽侯陳懋豐
城侯李彬領左右哨成山侯王通都督譚清領左右
掖都督劉江朱榮爲前鋒事詳明史紀事本末

馬哈木等脫身遁○按明史紀事本末云馬哈木乘夜
北遁時瓦剌雖大創去而殺傷亦略相當夜二鼓上
還帳中

瓦剌與阿魯台戰敗走○按明史紀事本末十四年阿
魯台遣使奏戰敗瓦剌獻所俘人馬特賜宴勞彩幣
自是瓦剌復奉貢○按衛拉特志及明史紀事本末識

大錄初阿魯合爲瓦剌攻敗窮蹙遣使奉表稱臣貢駝馬上言馬哈木滅本雅失里之罪請討之明成祖以阿魯台來歸非其本心然嘉其義封爲和寧王瓦剌怨朝貢不至已久至是復奉貢

復致書宣府守將楊洪○按識大錄洪守宣府有威名也先敬服之歲私餽也先鐵簇也先喜故致書欲見瓦剌使來更增至三千人○按識大錄十三年瓦剌遣使貢馬爲聘此僅言使來未詳何事並未詳年分下文僅得五之一識大錄作不及五之一亦微異上皇行也先與部衆皆送約半日程○按識大錄也先與部衆皆送約半日程惟伯顏獨遠與此互異

朶顏福餘泰寧傳遂盡割大寧地畀三衛以償前勞○
按王世貞三衛志及識大錄旣割地與之復歲給牛
具酒食布帛良厚自是其部落益蕃

宣宗初三衛掠永平山海間帝將親討之○按三衛志
及識大錄宣德三年宣宗出巡邊駐蹕遵化適其眾
萬餘入寇宣宗以鐵騎三千分兩翼擊之手射其前
鋒三人斬其酋渠

命成國公朱勇偕恭順侯吳克忠出喜峯○按三衛志
命朱勇分勦時詔發兵二十萬分四軍

興安伯徐亨出界嶺都督馬亮出劉家口○按三衛志
馬亮出界嶺口徐亨出劉家口與此互異

都督陳懷出古北○按獻徵錄陳懷出古北口踰灤江
渡柳河經大小興州破福餘於全寧破秦寧朶顏於
虎頭山擄男婦以千計馬牛羊以萬計

其頭目把當亥率眾寇大清堡總兵馬永擊斬之○按
三衛志馬永爲薊帥有威信三衛畏而親之

薊遼總督何棟○按獻徵錄仇鸞知三衛弱欲發兵擣
其地以爲功督臣何棟以不可宛轉解乃止

明史攷證

卷四十一

明史攷證攬逸卷四十一

明史攷證攢逸卷四十二

長洲王頌蔚編集

列傳第二百一十七 西域一

哈密傳東去嘉峪關一千六百里○按王世貞哈密志作一千五百里

乃封爲忠順王賜金印○按哈密志及識大錄賜忠順王金印時其地置赤斤蒙古罕東安定阿端曲先諸衛凡西域天方等三十六國貢使至者悉由哈密譯文

又以周安爲忠順王長史劉行爲紀善輔導○按哈密志及識大錄係脫脫嗣爵時事此叙於被逐還王後

互異

封其子倒瓦答失里爲忠順王○按獻徵錄及識大錄云倒瓦答失里其別號也本名哈里素勒坦

四年王卒無子母弩溫答失里主國事○按哈密志卜列革嘗乞朝服束帶母妻冠袍及兵器諸物詔下有司予王朝服母妻冠餘勿許隨以王母弩溫答失里請先後賜乘轎洗盆金箔茶香及諸藥物甚夥

初國人請立把塔木兒以王母不肯無王者八年○按哈密志王母不肯以其非族類不宜立蓋把塔木兒者忠義王脫歡帖木兒外孫也

土魯番速檀阿力乘機襲破其城○按哈密志及識大

錄云滿速兒阿力約王母同掠赤斤蒙古王母不從
因乘機襲破其城執王母

土魯番阿力已死而其子阿黑麻嗣爲速檀僞與罕慎
結婚誘而殺之○按哈密志及識大錄時罕慎貪而
殘失衆心阿黑麻已壯曰罕慎畏兀兒種也非脫脫
貴族安得王王哈密當我因好語罕慎曰吾與爾姻
罕慎喜許阿黑麻使罕慎頂經結盟而從後殺之

五年春立陝巴爲忠順王○按傳內所稱奄克孛刺者
畏兀兒大頭目阿木郎者哈刺灰大頭目寫亦虎仙
者回回大頭目詳識大錄

且僭稱可汗○按阿黑麻自稱汗略罕東諸衛聲取甘

州於是成其使四十餘人詳獻徵錄

進偕大將劉寧等潛師夜襲牙蘭逸去○按獻徵錄阿黑麻留其將牙蘭守哈密時精兵不過四百許進劉寧謀知之乃以三千騎襲破哈密獲陝巴妻女并牛羊三千宥其脅從者八百人

命都御史彭澤往經略○按哈密志彭澤督師往討時鄧璋爲總制給事御史言兩師並置莫適任也宜罷遣不聽

先是寫亦虎仙與子米兒馬黑木壻火者馬黑木及其黨失拜煙答俱以內應繫獄○按識大錄寫亦虎仙等以內應繫獄時賊至城中軍士皆出戰諸番果欲

爲內應陳九疇不得發乃戮其懈守者數人搜諸通謀者百二十餘人皆繫之

世宗嗣位楊廷和以寫亦虎仙稔中國情實歸必爲邊患○按哈密志世宗嗣位給事御史劾王瓊挾私忌功廷和爲內主乃逮瓊戍之起彭澤爲兵部尙書出陳九疇於獄爲甘肅巡撫

嘉靖三年秋擁二萬騎圍肅州分兵犯甘州九疇及總兵官姜奭等力戰敗之○按識大錄滿速兒寇甘肅時陳九疇與姜奭趙鎮等敗之夜間道行抵肅使人結瓦刺內外夾攻又敗之

甘肅巡撫唐澤亦以哈密未易興復請專圖自治之策

○按唐澤與劉濂嘗疏曰今之處土魯番與哈密迹有已然理有當然撫之以恩則驕滋震之以武則力屈此已然之迹也順則綏之而備愈嚴逆則禦之而武毋黷此當然之理也詳哈密志

火州傳宋時回鶻居之○按廣輿記火州其地有回鶻居故又名回鶻

其地多山青紅若火○按廣輿記及皇輿考火州有火燄山山中嘗有煙氣湧起如雲霧至夕光燄若炬照見禽鳥皆赤采

土魯番傳天子亦數遣官獎勞之○按識大錄永樂七年陳誠至其國遣使朝貢

五年都指揮僉事也先帖木兒來朝○按識大錄宣德五年萬戶賽音特穆爾與火州王哈克繖柳陳城萬戶幹齊爾俱貢馬及玉

列傳第二百一十八 西域二

西番諸衛傳萬厯二年冬許丙兔市於甘肅賓兔市於莊浪○按馮時可俺答志及明史紀事本末云市於甘州爲大市市於莊浪爲小市

李自成遣將陷甘州獨西寧不下○按明史紀事本末云賊殺甘民四萬七千餘人西寧衛尙堅守

安定衛傳遣官厚賚其王○按厚賚謂賜以織金文綺也詳獻徵錄及識大錄

而分其地爲阿端阿眞若先帖里四部各賜以印○按識大錄賜四部印時並賜卜煙帖木兒銀印

生禽七十餘人○按獻徵錄作七百餘人

安定遂殘破部衆散亡○按獻徵錄及識大錄云部衆散亡內徙嘉靖間復令部酋嗣爲指揮領其衆然安定王後無傳而阿端久沒莫知其處矣

曲先衛傳卽令三卽爲指揮使掌衛事散卽思副之○按獻徵錄及識大錄掌衛時並給印章

赤斤蒙古衛傳漢燉煌郡地○按廣輿記皇輿考及獻徵錄識大錄俱云漢酒泉燉煌二郡地

都督濮英西討次白城○按廣輿記及獻徵錄云其地

有白山最大多草木禽獸

用侍講楊榮言止兵勿進○按止兵之計時豐城侯李彬亦與焉詳獻徵錄

天子諭以土地不可棄合獎率頭目圖自強○按諭曰也先求婚朕向許爾父自擇便計不中阻顧受聘非宜往而見詐悔將何及赤斤爾世守地奈何棄之爾第保險綏眾善自備朕且命邊將緩急爾矣詳獻徵錄

仍遣瑣合者還甘肅○按遣還甘肅係十一年事見獻徵錄

敕責阿速令縛獻犯者○按景泰元年阿速以禽叛寇

功晉都督同知諸部下陞賞有差事詳獻徵錄及識
大錄

五年也先益圖兼并遣使齎印授阿速脅令臣服○按
獻徵錄也先遣使並以書誘赤斤諸衛阿速白其書
上命守臣遣人諭阿速毋與瓦剌通

沙州衛傳七年又奏旱災敕於肅州授糧五百石○按
獻徵錄明宣宗語部臣曰救災恤患朕固不吝然勞
內以事外非計其命肅州具糧五百石使困卽來自
取

九年困卽來卒○按獻徵錄困卽來卒朝廷以困卽來
受職四十餘年朝貢頗恭官爲祭賻

帝念其父兄恭順免死徙東昌○按獻徵錄時喃哥率部屬二百餘戶一千二百三十餘人來歸命居之山東平山東昌二衛

罕東衛傳永樂元年偕其兄答力襲入朝○按入朝共十六人緣貢馬而來事詳獻徵錄及識大錄

都督李文西征罕東以兵來助○按罕東以兵來助緣李文奉命調罕東兵故來助也事詳獻徵錄

列傳第二百一十九 西域三

烏斯藏大寶法王傳烏斯藏在雲南西徼外○按識大錄及廣輿記皇輿考烏斯藏其屬百餘種散處河湟江岷間唐初爲吐番所并

元世祖尊八思巴爲大寶法王錫玉印○按續通鑑綱目賜玉印時並令總統天下釋教

冬元帝師之後鎖南堅巴藏卜至並遣使乞玉印○按識大錄洪武六年並以元國公等爲都指揮同知宣慰司招討使等官

永樂元年命司禮少監侯顯僧智光齋書幣往徵○按永樂三年往徵四年將至而識大錄又云往返五年乃至與此互異

帝延見於奉天殿○按明成祖躬自行香時聞梵唄空樂自天而下學士胡廣等獻聖孝瑞應歌詳識大錄命建普度大齋於靈谷寺○按建普度大齋於靈谷寺

時並建大法壇詳識大錄

帝惑近習言○按識大錄係烏斯藏使綽爾吉鄂則爾之言也

大慈法王傳其徒爭欲見天子邀恩寵○按識大錄其徒有曰司空曰司徒曰國公皆佩金印

既而武宗蠱惑佞倖○按識大錄明武宗信佛給番僧度牒至三萬之多

闡化王傳成祖嗣位遣僧智光往賜○按識大錄成祖常欲建壇雞鳴山之陽超度妖厲迎取烏斯藏有道僧登壇作法有天雨寶花之異

闡教王傳正德十三年遣番僧領占剌巴等○按識大

錄正德時明武宗習僧門自號大慶法王被服如番僧建僧寺於西華門內悉封諸國師予誥命於是法王佛子禪師國師之號充滿京師

尼八刺國傳在諸藏之西去中國絕遠其王皆僧爲之○按識大錄明時自岷以南至松潘威茂各建僧寺番族叛亂仇殺遣沙門諭之卽頂經設誓而散諸番來貢多至千餘亦惟僧人是遣

朶甘傳乃改朶甘烏斯藏二衛爲行都指揮使司○按行都指揮使司係洪武七年所改詳明實錄

命增置朶甘思宣慰司及招討等司○按招討司朶甘思部落也初附本司進貢襲職成化後始專達詳識

大錄

長河西魚通寧遠宣慰司傳今魚通九枝疆土及嚴州
雜道二長官司○按識大錄云雜道長官司河西部
落也初附本司進貢每貢僧徒百人成化十六年始
專達隆慶三年定二年一貢

董卜韓胡宣慰司傳因言唐時吐番求毛詩春秋至明
皇從之○按識大錄係余子俊上疏之語與此互異
遣國師貢珊瑚樹氍毹甲冑諸物○按識大錄及廣輿
記其地重兵死以累世戰歿者爲甲門敗懦者垂狐
尾於首以示辱

隆慶二年董卜及別思寨貢使多至千七百餘人○按

明史紀事本末卷之四十二
識大錄云隆慶三年定每貢千二百七十四人孝宗時又有新招撫土草坡克州等寺寨附屬本司

列傳第二百二十 西域四

撒馬兒罕傳帖木兒首遣回回滿刺哈非思等來朝貢馬十五駝二○按識大錄云來朝貢馬駝及海青此僅言貢馬駝

帖木兒貢馬二百○按識大錄作千二百匹

至是帖木兒死其孫哈里嗣乃遣使臣虎歹達等送安還○按傳安二十八年至其國被留至永樂五年還識大錄云永樂七年陳誠至其國不入貢上使禮科都給事中傳安與御史姚臣往征之以官軍千五百

人往撒馬兒罕怒拘留安等至洪熙元年王乃奉表入貢送安歸與此互異

獨巡按御史陳瑤論其糜費煩擾請勿納禮官議如其言○按禮官復言入貢從甘肅如涉海而來則勘合印信皆屬虛文矣抑臣慮其習知海道而生意外之變望遣行人敕諭國王自此貢從故道入語詳識大錄

十二年偕天方土魯番入貢一改○按本紀及天方傳俱作十一年此誤又本紀云嘉靖八年撒馬兒罕入貢

工巧過於哈烈○按識大錄云撒馬兒罕在哈烈東

別失八里傳別失八里○按別失八里卽伯實巴里識
大錄云伯實巴里在沙州西去肅州西北三千七百
餘里

從其部落西去

從改徙

宣德元年帝嘉其尊事朝廷遣使賜之鈔幣○按識大
錄云更國號曰伊塔巴爾時烏蘇又與其子薩圖治
兵相攻宣宗敕示以教育子孫之道

哈烈傳尋復遣使隨貴貢駝馬玉石○按識大錄貢駝
馬玉石係正統二年事與此互異

居喪止百日不用棺○按皇輿考云哈烈其俗服色尙
白喪事易青飾壁以金銀

八答黑商傳浮屠數區壯麗如王居○按回部向不崇
信佛教傳云浮屠數區及火刺札等傳所載敬僧重
僧云云並係沿誤蓋明時西域諸國不過羈縻或遣
使招致故所言城郭風俗大半得之傳聞未爲核實
于闐傳遣使者貢玉璞○按識大錄貢玉璞係永樂七
年事又按永樂十二年陳誠至其國亦見識大錄
桑麻黍禾宛然中土○按于闐俗喜浮屠好歌舞尊卑
禮節有中土風詳識大錄

討來思傳有布縷毛褐○按獻徵錄討來思之地人盡
以雜布爲衣

阿速傳夜鮮寇盜○按獻徵錄此地竟無寇盜

遣使貢馬及方物○按遣使貢馬時共百二十人來朝
詳獻徵錄

沙哈魯傳永樂中遣七十七人來貢○按沙哈魯自唐
貞觀中一入貢後直至永樂中始貢詳獻徵錄又按
七十七人獻徵錄作七十二人

王及臣僚處城中○按獻徵錄有學校及將軍功曹參
軍州郡縣諸官

天方傳其國王亦遣陪臣隨朝使來貢○按識大錄云
宣德七年國王以獅子麒麟貢又遣使貢馬時共百
二十人來朝詳獻徵錄

嘉靖四年其王亦麻都兒等遣使貢駝方物○按本紀

嘉靖二年八年天方均入貢

寺分四方每方九十間○按識大錄寺每方九十間層
次如塔中有黑石方丈餘曰漢初天降也

默德那傳國中有經三十本凡三千六百餘段○按皇
輿考云經三十藏凡三千六百卷

大類中土○按識大錄云大類江淮間

其織文製器尤巧○按識大錄云其俗並工雕鏤

魯迷傳遣使貢獅子西牛○按嘉靖三年所貢尙有西
狗西馬珊瑚珠玉等物詳識大錄

明史攷證擴逸卷四十二

清授資政大夫三品銜軍機章京戶部湖廣司郎中王
君墓誌銘

同縣葉昌熾拜撰

古人稱昆弟之交范史所書前有雷陳後有廉慶若昌
熾之於王君蒿隱豈惟昆弟也哉昌熾幼而食貧與吾
弟俯仰事畜未嘗一日共研削吾弟不幸早歿昌熾傭
書京邸聞病遄歸已不及視含斂鵠原之痛至今引爲
深疚蒿隱則自束髮訂交稍長同學同舉於鄉馮林一
先生修郡志同侍鄭鄉者三載又兩至海虞瞿氏同勘
書目江鄉百里扁舟于役出入未嘗不偕也庚辰君先
達又十年昌熾始釋褐追隨詞館爲後進而君已改戶
部值樞垣長安居不易道義之相勗憂患之相卹風雨

過存兄弟無如也君之歿也其家以海警南下惟留次
子季同召昌熾同在側屬續之日枕其股而哭之歲月
不居兩周星紀君之墓草載陳而昌熾亦將七十老矣
桑海無徒屏居削迹欲得如君者共數晨夕焉可得哉
君諱頌蔚號芾卿別號蒿隱其初名叔炳江蘇蘇州府
長洲縣人先世宋時自汴南渡居郡之洞庭東山至明
文恪公整族始大遷郡城君其十三世孫也曾祖仲淇
祖朝華父仁榮世有聲於橫舍皆以君官累封資政大
夫妣皆封夫人君生有至性岐嶷善讀赭寇之難鄉居
避地遭贈公喪伯兄繼殂桴鼓在郊絞衾在室君年纔
十三歲倚廬複壁卒奉繼祖母鄒太夫人間關出險人

知非常童矣寇平返故里受知於合肥蒯子範先生以
縣試第一補長洲縣學生丙子舉鄉試庚辰成進士由
庶常散館改戶部傳補軍機章京壬辰試御史裒然舉
首君樂以言職自効而樞臣以熟手奏留非其志也君
所至事賢友仁與海門周彥昇明經共學最早里門耆
宿如潘邕候朱怡雲事之在師友之間其餘文字交若
管申季袁瓌禹同朝如李蕓客朱蓉生沈子培黃仲弢
梁星澥安曉峰皆當世閎偉君子推重君無異詞而桐
廬袁忠節公過從尤密申之以婚姻禁廷退直江亭龍
樹迭爲主賓明鑑張席言笑晏晏然第攷德問業務爲
實事求是之學而不以標榜聲氣時朝廷以國步日蹙

銳意圖強游談之士倡爲新周故宋之說君視之蔑如也及君歿而邪說披昌馴至非聖無法淪胥不返遂邁陸沈之禍易曰履霜堅冰至然後知君之所慮遠也君敦尙氣節吳縣潘文勤師本葭苻戚常熟翁文恭公則庚辰座主也君非論學不輕造殿廷考試師門未嘗通私謁嘗曰得失事小廉恥事大詭遇求進吾不爲也文勤龍門高峻莫敢梯接顧獨雅重君奉諱歸里昌熾函丈侍側輒曰吾家居讀禮鼓門卻埽蒿隱云何或得君書則曰蒿隱規我矣其見嚴憚如此治家嗇於自奉嘗訓諸子古人儉以養廉之說其義最精今之墨吏非必天性無恥也簞簋不飭由於非盜泉之水不足以自潤

也充工程監督差廠商苞苴美其名曰節省銀兩君毅然卻之曰昔陳稽亭先生印結公項尙不受況實爲廠商之賕乎旣入詞館志在論思廣內著作承明又謂京曹官惟居言路袞職有闕尙可發抒忠讜吾浮湛郎署於國無補於學有損不如歸也浩然有東臯之思未幾中日釁起耶山之役王師失律海東藩衛淪於戎索君私憂竊歎益鬱鬱不自得竟於乙未七月朔染疫病不起其可悲也所著寫禮廡詩集文集讀碑記古書經眼錄各一卷又以昭代樸學度越宋明六經皆有義疏周禮爲厯朝典章制度所出獨無專書嘗詣昌熾商榷義類發凡起例先爲長編簿書填委未遑輟簡在方略館

得殿板初印明史上黏黃籤審爲乾隆朝敕校未藏之本君從故紙堆中拂拭而出之刪其蕪冗撮其精要成考證擴逸四十二卷君精力絕人博聞彊識王伯申錢曉徵之流亞天假之年名山之業豈勝最錄而禮堂寫定之本止此當病且棘猶執昌熾手曰豹死留皮日炯炯視嗚呼其尤可悲也歿後三年葬於吳縣五都五圖萬青圩萬樂山麓之栲栳灣配謝夫人生子五長季烈次卽季同次季鑒殤次季點季緒皆宦學有聞孫十二存者守兌守則守熾守競守泰守鼎守恥守中競恥隨季同出後於同族季烈中光緒甲辰進士官學部郎中辛亥國變拂衣出國門耕海濱以自晦君有子矣客歲

歸旣梓君遺稿又哀述事狀請追銘其墓爰爲之詞曰
癸甲之際火始然積薪不徙遂燎原哲人見幾非不先
辨姦抗論如老泉惜哉聽者規爲瑱履霜陰凝冰始堅
不周山傾砥柱鐫君行蟬蛻踰十年劫火不侵龍漢前
貞元朝土靈輻旋栲栳之簞萬樂阡紫邏青嶂視玉延
抱琴欲彈還輟絃吁嗟逝者如逝川

右明史攷證攬逸四十二卷

先君子直樞垣時所輯

是書成於光緒甲午逾年

先君子卽棄養生平箸述

手自勘定者祇此一種戊戌夏袁忠節公索遺箸擬刊

入漸西村舍叢書中因以是稿呈之庚子之亂忠節遇

難原稿遂不可踪跡

季烈

引爲深疚頻年飢驅奔走索

米長安鑿楹之書久經束閣及遭辛亥之變綱常顛墮

異說朋興因思

先人遺箸若不及時刊行將有覆瓿

補袍之慮始於客臘歸檢遺篋將詩文集及書碑題識

手錄清稿付諸梓人嗣於篋中檢得是書副本首尾幸

尙完具會曹君直章一山兩同年言吳興劉翰怡京卿

廣學甄微以刊行有用之書爲已任慙慙以稿寄之未

明死 一
及一年而殺青已竟蓋乾隆時之箸述至此始獲行世
則京卿傳播佚書扶持古學之功詎維鮮民所痛感往
哲後賢胥受其賜矣

季烈

校畢後謹識數語並將葉鞠

裳年丈所撰墓志附刊卷末俾讀是書者知先君子
學行之大概焉丙辰十一月男季烈跋於析津之牆東
避世居

明史考證攜逸四十二卷王頌蔚蒨卿撰蒨卿長洲人
光緒庚辰進士選翰林院庶吉士改戶部主事官至郎
中軍機處行走素知明史考證藁在軍機值房先查出

藍面冊明史自卷一百十六至卷三百三十二

缺卷一百九十五

凡二百十六卷列傳首尾略具案語用黃籤黏書之

上又得藁本四十餘冊後又得正本三巨冊自卷一百
十八至卷三百二十八

缺卷二百五十二至二百五十六

凡二百六卷

每卷題明史卷幾考證意在分附明史各卷之後故析
卷皆同每條稱臣某某案亦與他史考證同式並得刊
本考證一冊卷三百六至卷三百三十二乃互證參觀
抉擇精審編定四十二卷且自敘其源委然後知廿四

史同有考證惜當時何以未行全刊致留缺陷以候農部之拾遺補缺殊不可解又以見農部職綜重要仍能隨地留意有功文獻爲近時學人之領袖而不蹈侈口高談不能伏案者之習尤爲加人一等方今清史開館以此書爲標準庶有益於撰述者歲在柔兆執徐冬月吳興劉承幹跋

先君子於光緒中葉在方略館物色得明史考證稿本
進呈本正本三種輯爲明史考證攜逸四十二卷歲丙
辰劉翰怡京卿刊入嘉業堂叢書以行於世按東華續
錄乾隆四十年五月諭令改正明史譯名四十二年五
月復諭令英廉等將明史本紀逐一考覈添修以次繕
進則考證之作當先從本紀入手乃今所存者僅列傳
之考證本紀無之按之乾隆四十二年諭旨情事未合
意者本紀考證先經成書另儲他所遂致散佚無可蹤
跡歟今春見夏閏枝太守謂文津閣四庫全書已移置
京師圖書館其明史附有考證烈聞斯言以爲全書皆
有考證亟思一讀秋閒入都因赴館先取本紀閱之並

無考證志表亦然閱至卷一百十六始附有考證乃知此卽先君子所見之正本以附於各卷之末者也於是將攬逸所載與之逐條互勘則二書互見者十之六七攬逸載而閣本缺者十之三四閣本有而攬逸不載之條數亦如之惟皆係某某等書俱無考或某事並見某傳卽本史之某傳較此爲詳之類大都空衍無關宏旨先君子編輯時刪棄之耳就中選得有關考訂者三十餘條錄爲一卷以補攬逸所遺烈聞父老言文津閣藏書校勘不若文淵之精此次檢讀明史不乏譌誤其說信矣然各卷所附考證則繆誤尤多竟似未經校勘者且考證與本書似非同時繕錄而爲後所增入者蓋

考證各葉其板匡大率比本書略高又每冊末葉所蓋太上皇寶及避暑山莊寶有在本書之尾而不在考證

末葉者又有此卷之考證誤裝在他卷之末者

卷二百七十一

二兩卷之考證皆誤裝在前卷之末

又卷一百四十三至四十五卷一百

五十卷二百三十三至四十二卷二百五十三至六十

二均不附考證然攬逸所載修改之條本書中文字往

往已經改正

如陳思賢傳之吳性原已改爲伍性原程通傳高巍傳之靖難均已改爲燕兵之類

是此數卷繕錄時並非未見考證特未將考證附於卷

末耳凡此皆爲閣本考證乃全書繕畢後增入之證也

至於閣本卷數實爲三百三十六與通行本無異作三

百六十卷者特浙江局刊簡明目錄之誤

近時坊本亦有沿浙局之

誤廣州局所刊簡明目錄卽作三百三十六卷與提要
所載卷數相符邵氏沿浙局刊本之誤失於校正而望
文生義謂豈添列三藩事蹟增多二十四卷遂使後之
人益滋疑竇矣要之得文津閣本披讀後知明史卷數
並無更改 先君子所輯列傳考證遺漏甚少足爲完
書卷一百十五爲興宗睿宗列傳篇帙無多大約本無考證特本紀志表之有無考
證尙爲疑案倘得文淵閣本讀之庶可一析此疑歟歲
在辛酉重九日長洲王季烈識於析津寓廬之牆東避
世居

明史考證攬逸補遺

長洲王季烈君九

列傳第十

郭子興傳未幾發病卒○按郭子興卒在至正十五年三月見本紀

列傳第十七

傅友德傳友德以五十騎衝卻之因夜襲其營○按友德襲庫庫營開國臣傳明書皆作五百人

列傳第十八

吳良傳二十八年有罪調廣西○按高之調廣西明功臣封爵考明書開國臣傳識大錄均祇云有罪不詳

其坐累之由考是年大誅藍黨或詞連吳良因罪及其子耶

列傳第二十二

何文輝傳金剛奴後無考○按金剛努或卽當時色目人之散在江淮者太祖初起兵招羅豪俊未必皆鄉曲舊人

蔡遷傳破蠻子海牙水寨及陳埜先皆有功及改禽○按太平之戰陳額森被禽見本紀及張德勝傳

列傳第三十七

夏原吉傳交趾平○按交趾請降廷議疑其詐也更欲興兵討之原吉曰兵疲矣譬如癰伏於身未潰則憂

不測已潰則宜進和平之劑候血氣調和自愈若惟
攻之心腹內虛復生他患不若因其請降許以復國
自新三楊議亦同遂偃兵息民天下賴之見王鏊所
撰原吉傳

列傳第四十二

張輔傳禽其帥五十六人○按明史紀事本末云斬賊
將阮山禽僞將潘經等數十人

列傳第四十四

毛忠傳禽僞少師知院○按僞少師原名哲卜尊巴勒
固僞知院原名奇徹岱見獻徵錄

列傳第六十四

呂原傳原時至墓慟哭

墓改殯所

○按上文旣云厝於景則

不當稱墓矣

奉母南歸

刪南字

列傳第七十三

李介傳復官巡撫順天

復官改昆復

○按瓊得罪下直接復

官詞意未明

列傳第七十四

韓文傳中貴督太和山

貴改官

楊守隨傳雖遇赦免亦不得

免亦不得改亦不得免

贊

夫以外攻內勢所甚難況相權之輕遠異前代雖抱韓

琦之忠初無書敕之柄區區爭勝於筆舌閒此難必
之剛明之主而以望之武宗庸有濟乎一擊不勝反
噬必毒消長之機閒不容髮宦豎之貽禍烈也吁可
畏哉政道文為奮然抗疏搏擊冀除君側之惡其事
反會方有可虞惜武宗庸間致令羣閹得以逞心
反齒終至正人去國逆儲益張反覆之機實為聞不
容髮而諸臣力陳大計忠憤激發事雖不行其視李
東陽之緘默取○按原贊議論未當所引輯琦任守
容者相去遠矣忠事比擬亦不合

列傳八十二

孫交傳守珠池中官詔毋得預守土事○按交嘗論安
陸皇莊租課宜付有司不報見獻徵錄

列傳八十七

胡世寧傳太平知州李濬○按太平州洪武初以土官
李以忠歸附命其後世襲知州見上司傳

列傳九十三

張經傳倭屯嘉興○按合戰時倭屯松江拓林者盈二
萬詳俞大猷傳

列傳第一百四

馮琦傳而奸人之奏○按奸人原疏作高時夏載君恩

見北海集

烈按載疑
戴之誤

顧錫疇傳請正從祀位○按希孟所請正從祀位謂十
哲中宜進有若南宮适而退冉有宰我先儒則宜進
諸葛亮狄仁傑范仲淹也見陳鼎所撰希孟傳

列傳第一百八

李汝華傳多所糾摘○考本史如何源黃弘憲王學書
李長春韓世能王基姜璧諸人皆爲所論罷去

福王莊田四萬頃至僅減四之一○按福王傳云下詔
賜莊田四萬頃所司皆力爭常洵亦奏辭得減半非
僅減四之一也

列傳第一百十四

邱樞傳往籍張居正家○按是時御史羊可立追論居
正構遼庶人憲櫛獄庶人妃因上疏辨寃帝遂命樞
等往籍之並勘構憲櫛狀見明實錄

列傳第一百十八

汪若霖傳詔從巡撫趙用賓言趙改陳○按梁永傳作用

巡撫陳用賓議又考本紀萬厯三十六年治雲南失
事諸臣罪巡撫都御史陳用賓下獄論死則此作趙
誤

列傳第一百三十二

左光斗傳奏劾忠賢至三十二斬罪○按光斗所劾忠
賢等三十二斬罪爲屬稿未上之疏故明實錄諸書
俱無考

列傳一百三十九

徐光啟傳光啟爲監督○按是時光啟並舉南太僕卿
李之藻同修厯法見厯志

列傳第一百五十六

曹文詔傳王承恩圍之○按王承恩圍之謂敗賊於鄜州也本紀作四年七月事與此互異

列傳第一百七十六

唐時升附傳謙益最重其詩稱曰松圓詩老二句刪○按謙益之言亦不足爲定評

艾南英傳錢謙益負重名負改竊

列傳第一百七十九

張銓傳軍大潰○按是時蒙古諸部大饑多人塞應泰乃下令招降歸者日眾處之遼瀋二城天啟元年大清兵攻之總兵官賀世賢等力戰敗還明日降人內

明孝補遺 五
應城遂破見應泰傳

列傳第一百八十二

簡仁瑞附傳其護衛辛譟至斬關出奔○按王出奔後旋爲自成所執遇害並屠平涼見諸王本傳

列傳第一百八十三

劉士斗傳御史劉之勃薦爲建昌兵備僉事○按綏寇紀略勃作渤

見之勃與張獻忠語○按之勃被執賊以同鄉欲活之之勃不屈縛於端禮門攢矢射至死罵不絕口見之勃本傳烈按之勃傳祇云之勃大罵賊攢箭射殺之並無縛于端禮門至死罵不絕口等語

列傳第一百九十三

梁永附傳山西稅監孫朝劾降夏縣韓薰○按程紹傳李戴傳俱作山西稅使張忠以夏縣知縣韓薰忤已奏調僻地與此互異考張忠係礪監而非稅監且忠所劾者爲夏縣知縣袁應春而非韓薰自是紹戴二傳之誤

魏忠賢傳乃矯中旨召用例轉科道至大理丞○按其時擢爲京卿者尙有被察之徐大化科道復故官者尙有王志道見霍維華傳

列傳第一百九十九

松潘衛傳二十六年復命卿往鎮○按卿以功進都督同知素有威望爲番人所憚自茂迄松潘龍安夾道

築牆數百里行李往來無剽劫患先後在鎮二十四
年軍民戴之見一統志

宣德九年陞龍州爲宣撫司

九改

○按一統志及地理

志俱言宣德七年陞龍州爲宣撫司此作九年誤

列傳第二百一

臨安傳思陀甸○按思陀地理志作思佗考一統志及
蠻司合誌皆作陀乃地理志之誤

列傳第二百六

太平傳結倫州舊名邦兜

邦改那

○按一統志及土夷考

均作那兜

列傳第二百八

朝鮮傳二十七年四月以平倭詔告天下○按時論征
東功首陳璘次劉綎次麻貴而董一元始破三寨終
歸諸巢功亦足錄邢玠萬世德等進秩有差楊鎬以
原官敘用棄師楊元通倭沈惟敬則先後棄市見明
實錄

列傳第二百二十

黑婁傳其地山川草木禽獸皆黑男女亦然○按黑婁
二字乃譯音於字義無涉謂其山川草木禽獸男女
皆黑傳會不足據

明史考證補遺

跋

是史經始於康熙十八年成於雍正末年高宗繼位之後武英殿刊刻至乾隆四年竣工此爲第一官板今卽據以影印亦世間通行本也乾隆四十年高宗以元時人地名對音訛舛譯字鄙俚諭令改訂並就原板扣算字數刊正越二年館臣籤改進呈高宗又以本紀所載事實每涉疏略特派大臣考覈添修並有親閱鑒定重刊頒行之語其後刊成本紀二十四卷坊肆從未之見聞故宮博物院檢獲刊本亟思假印維時掌院事者夙未相識句人往請堅不之許其後院自印行取校初板其蒙古人地名汗號官職均已改譯增補字句每卷溢出數行乃至數

十行然多有僅涉文辭而於史事全無出入者此不過受命諸臣奉有事實疏略之諭勉爲敷飾藉塞其責余特不解高宗之意何以拳拳於本紀而志表列傳絕不之及滋可異也余所見者皆乾隆四年刊本詢之友人凡四十年後就原板刊正者亦未寓日本紀旣已重刊何以未見頒行志表列傳旣已剋改何以亦未摹印余頗疑本紀改刊其他亦待覆刻嗣以高宗倦勤境過情遷不加督責事遂中廢按仁和邵懿辰四庫簡明目錄標注明史下注亦言在方略館見乾隆末年改定之本惜已不全僅列傳百數十卷中多簽改繙譯人名地名亦間引他書簽改本文似乎未曾改刊云云是志表列傳固未

重刊而亦未嘗剋改也殿本諸史均有考證明史係出欽定臣下不敢有所訐騰故獨闕如逮高宗一再指摘而受命考覈諸臣乃敢爲之長洲王芾卿丈光緒中入值軍機處於方略館獲見進呈本初刊樣本正本暨當日總裁閱定纂修稿本均有殘缺輯成四十二卷然又祇有列傳而無紀志表哲嗣君九克成先志復就文津閣四庫寫本校對證爲完書且增輯三十餘條以補其尊人所據原本之闕付嘉業堂劉氏刊行今以附印殿本之後讀是史者當有取也曩聞友人預修清史者言屬稿之始檢核明史其事其文不少譌誤今明代實錄具存嘉隆以後被禁之書先後復出安得盡取諸書及明人著

述之有涉史事者一一參校而勘正之其成績
必有出重刊本紀之上者茲事體大匪余遲暮
所可企及不能不有望於後賢已海鹽張元濟